



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Agobardi Archiepiscopi Lvgdvnensis Opera

Agobardus <Lugdunensis>

Parisiis, 1666

Papirii Massoni De Vita Agobardi Eivsqve Doctrina Brevissimae Synopseis.

urn:nbn:de:hbz:466:1-14678

PAPIRII MASSONI
DE VITA
AGOBARDI
EIVSQUE DOCTRINA
BREVISSIMÆ SYNOPSEIS.



BSCVR A fuit istius Episcopi
multis seculis vita ; obscura,
inquam ; non ingenij & acu-
minis penuria, neque munera
ignobilitate , sed temporum nebulis.
Habet Amandus suos testes; habent En-
gilbertus, Ionas, Vvalafridus, ceterique
contemporanei sua lumina ; hic verò
pauca , immo ferè nulla , nisi ea quæ vel
necessitas historiæ interserit , vel ipsius
volumina furtim & quasi perperam re-
tegunt. Habemus tamen ex Adone pri-
mis incrementis initiatum fuisse Presby-
terio ; & propter ipsius vitæ & doctrinæ
integritatem ad Chorepiscopatus dig-
nitatem evectum; mox Ledrado in Suel-
sonicum Monasterium concedente, ad

Synopsis Operum Agobardi.

fastigia Primatiæ Lugduneæ sublatum,
consentiente Imperatore , & universa
Gallorum Episcoporum synodo , ubi in
veste & sarcina tantæ sublimitatis mul-
tos annos sine crimine transegit , perpe-
tuis scholæ & lingue certaminib⁹ aggressus
Iudæas synagogas. Sed labes unica
fulgentem multa gloria senectam obscu-
ravit. Cùm enim Clotharius odio & fu-
riis noveret, nomine Iudith , filiæ Vvel-
phi Comitis, à clavo imperij universi re-
moveretur ; machinatur clam & apertè
contra patrem , animosque utriusque
gentis, laicæ & ecclesiasticæ , in exci-
dium sceptri paterni abripit : inter quos
Agobardus à fide Principis avulsus , ac-
cendit consilio juvenilem Clotarij ani-
mum. Convocatur Concilium : ubi de
cripiendo patri diademate audacissimè
quisque contendit. Hac specie invadit
Cæsarem , & erepta corona , eundem in
monasticam solitudinem conjicit. Galli
furiunt , nec patiuntur tantam fieri patri
injuriam ; movent arma , restituunt Im-
peratorem ; vocant filios , Pipinum , &
Bernardum, quorum ope Clotharius ad
orandam & exorandam veniam cogitur.
Auctores consilij queruntur puniendi.
Ecclesiastici ejus turbæ somites depre-

Conrad.
Abb. VI-
perg. in
chron.

Papirij Massoni

henduntur; aufugiunt in Italiā. Ebō
nem ad Saxonios compulit Imperator. Ago
berum Lugdunensem nihilo secius curia
Pontificum movet: deponitur. ceteros quo
que in Italiā elapsos per omnium sacer
dotum religiones devovet. Posthæc primo
solis die quadragesimæ velut nondum ab in
justa sacrificiorum excecratione solutus,
rursus à septem Archimystis solenni ritu bene
precantibus, lectis de libro supplicamentis
faustis bonisque omnibus, cum maxima om
nium qui aderant lætitia, populo accla
mante, feliciter expiatetur. Quasi verò in po
testate hominis sit, in arcāque sive vitro, sicu
ti genius ater magico susurro clausa tenea
tur æterna illa majestas, ut nutu nostro vel
claudat vel aperiat cœlos.

Turbæ ejusmodi & vitæ pacatæ dif
ferimina avertunt animum à scribendo,
ut deinceps lumini Evangelij, Ecclesiæ
reparandæ, muneri obeundo intentus
sit. Quo anno natus, nescitur. Scitur ip
sum natum aurea Caroli Magni ætate,
illustrium & doctissimorum Apollinum
alumna; floruisse ætate argentea Lude
vvici; extinctum verò inter ferrea filio
rum Ludevvi certamina apud Sancto
nas in expeditione regia, inter quæ om
ne genus excidij Imperij labentis ruinas

Aventinus
l. 4. Annal.
Boiorum.

Ado Vien
nens. sub
ann. 815.

Synopsis Operum Agobardi.

conveniebat. Præfulsit oratorio dicendi genere, & imprimis Scripturæ memoria. Habuit illustres contemporaneos, Philosophia & Theologia claros, quorum volumina terimus, Hincmarum Archiepiscopum Rhemensem, Haimonem Episcopum Halberstati, Rabanum, Vvalafridum Strabum, Claudium Taurinensem de Adoratione Imaginum, Ionam Aurelianensem, Halitgarium, & Amalarium, Heliprandum Episcopum Toletanum, Engilbertum, &c. & plerosque alios, quos reticemus. Graves tractavit materias, quarum synopsis subjicimus.

*SYNOPSIS PRIMI VOLVMINIS
adversus Dogma Felicis.*

IMPERIO Caroli Magni & Lude-
vvici Cæsarum, è summis Pyrenæi apicibus emersit quidam Episcopus Ori-
gellæ ab Aragonia, vir alioquin circum-
spectus, & subtilitatis Hispanicæ non
indigus: qui Nestoriæ sectæ jam diu ful-
gore Evangelij extinctæ semina ab in-
feris excitavit. Objurgatur primò &
convincitur ab Heliprando Toletano
Episcopo. Inde ad Ratisbonæ compes-
cendâ ejus insolentiâ Concilium trahi-

Papirij Massoni

tur ab Imperatore. Tertiò Romam; ubi prostratus ad limina D. Petri, hęresim agnoscit coram Adriano Pontifice. Postremò cùm iterum sua figmenta chartis exarasset, convenitur ab Agobardo, vincitur, profitetur errorem. Post ejus obitum, fundamenta dogmatis diruit, Patrum & Scripturæ auctoritate. Hæc sunt Felicis fundamenta.

I. Est è Nestorio: Duæ in Christo separatæ personæ, quæ duplícem filium sive Christum constituunt. alterum in carne, alterum in verba. Istum non fuisse crucifixum, sed esse filium Dei, natura, veritate, proprietate, genere, nativitate, substantia; illum, nempe incarnatum, fuisse passum, & esse filium Dei gratia, electione, voluntate, placito, prædestinatione, assumptione, adoptione.

II. Vt filium Dei naturalem, esse omnia essentialiter, æternitatem, sapientiam, &c. Vt hominem, omnia quæ illi insunt, esse accidentia, puerum, prophetam, &c. quæ sunt accidentia illi secundūm dispensationem carnis, non propria secundūm potestatem divinitatis. in humanitate esse solūm sacerdotem, in divinitate vivificatorem.

III. Vnde sequitur, Virginem esse alio

Synopsis Operum Agobardi.

modo genitricem divinæ, alio modo hu-
manæ naturæ. Propriè, humanitatis;
gratia verò, divinitatis.

IV. Et quemadmodum Christus &
Ecclesia vocantur unum, nec sunt una
persona, unūmque Suppositum; sic
quamvis dicatur Verbum carnem fa-
ctum esse, & esse unum, non sunt ta-
men unica hypostasis.

Et hæ sunt fœdæ voces, quibus His-
panus ille tenebrio Christi lumina ausus
obvoluere; quas noster Gallus egregiis
enervat argumentis.

I. In Christo duas quidem naturas, sed in
unam hypostasim unāmque personam
substantialiter unitas. & inde non solūm
humanitatem sed totum Christum fuisse
passum, divinitatem clavis confixam suo
modo impassibili, sine sensu, sine pas-
sione.

Ideoque non duos filios, sed unicum
in duabus naturis, sine confusione hypo-
staticum, filium Dei natura, proprietate,
substantia; non autem gratia, cùm
sit coæternus Patri. Neque Prædestina-
tione, quia Pater non est prior ipso tem-
pore, nec natura, sed origine. Nec ado-
ptione, quia secùs extitisset aliquando
alienus à Deo. Nec assumptione, quia

Papirij Massoni

assumens & assumptus sunt idem. Sed unicus naturalis filius Dei. Et quemadmodum quilibet homo ; anima & caro, est una persona ; sic Christus una persona, Verbum & homo.

II. Ex tali unione fieri , ut ea quæ sunt carnis, fiant divinitatis. Nam si caro est propria Verbi , cur nomina carnis non erunt propria ei. Ideoque cum carnem sumpsit , omnia carnis propria sibi fecit ; ita ut secundum utramque naturam sit & vivificator, & Pontifex, &c. sicut secundum utramque animæ & corporis, totus homo dicitur rationalis , dicitur puer , Philosophus.

III. Et per consequens , Virginem fuisse matrem utriusque naturæ, divinæ etiam , sine qua caro nunquam fuit incarnata , totumque Christum incarnatum genuisse.

IV. Quoad unionem Christi cum Ecclesia , imparem esse cum incarnatione. Nam illa cum fiat , saltem spiritu , non corpore, fide non carne, voce non actu, amore non copulatione, ex infinito personarum numero cum aliquo capite mystico , non potest dici vera unio , unio inquam incarnationis, quæ fit ex duabus naturis & substantiis in unam personam.

Synopsis Operum Agobardi.

Et hæc sunt argumenta, quibus Agobardus vim & nervum dogmatis Feliciani confregit,

II. Volum. De Insolentia Iudæorum.

IN adversis nulla Gens abjectior, in prosperis insolentior Iudæorum. Beneficio Cæsareæ Majestatis locus pacis & moræ datus ipsis in Gallia fuerat, Lugduni potissimum. Sed ubi dulcedo pacis paululum eos laxat ab incommode fugæ, struunt artes, adulantur aulicis nobilissimis, eosque pecuniis devincunt. & sic obliquis fraudibus Indicula à clementissimo surripiunt adversus Ecclesiæ Lugdunensis Episcopum, qui avertebat populum ab his.

Ne divenderent mancipia Christiana Iudæis.

Ne Mulieres Christianæ cum eis Sabatizarent.

Ne diebus dominicis operarentur.

Ne quadragesima cum eis prandarent, & easdem carnes ederent.

Ne carnes immolatas ab ipsis emerent, vinumque eorum biberent.

Insectantur eum, singulosque Christianos ad suas synagogas blanditiis & ampullatis Patriarchicæ dignitatis elogis rapiunt; insolescant, & contra morem

Papirij Massoni

Christianos servos emunt. Agobardus queritur apud Cæsarem, artes retegit, auctores consilij aperit, petītque medelam tantæ ruinæ; pollicitus se Scripturæ testimoniis eorum vitam, mores, & superstitiosum vitæ genus depicturum.

III. Volum. De Iudaicis superstitionibus.

Hoc capite
lege Ebon,
non Eaor.

ABOMINANDÆ Gentis Iudaicæ pervicaciam ritusque à veritatis semita alienos effecisse apud patres antiquos ut canones de cavendo contubernio, convictu, copulatione ipsorum componerentur, fusissimè h̄c differit Agobardus, immo tanto odio habuisse ut ilustrissimus ille Ambrosius mortem ciuitatis optarit, quam maceriam templi Iudaici reædificare.

I. Seniores Clerici, qui convivio Iudaico interfuerint, excommunicantur per annum. Juniores si præsumpserint, vapulanto.

II. A Cœna usque prima Pascha per plateas ne ambulanto. Secus, à Iudicibus distringuntur.

III. Nullus Christianus Iudæo servus esto, sed dato xii. solidorum pretio liberator.

IV. Si quis ad Iudaicum dogma servum Christianum illexerit, plectator

Synopsis Operum Agobardi.
mancipio , & legali damnatione pu-
niator.

V. Ne quis Iudæus sub tempus Pas-
chatis Christianos convenito.

Causa istiusmodi severitatis est ab
eorum rabie , pervicacia , atque corrup-
tione doctrinæ , quam tot nebulis Phari-
saïcæ illæ Deuteroseis obtenderunt , ut
nil penè luminis apud ipsos reliquum sit.

Deum esse corporeum , audire , &
videre.

Corpus hominis ad imaginem Dei
factum.

Ex vanis Dei cogitationibus dæmo-
nes creari.

Litteras Alphabeti esse sempiternas.

Legem Mosis ante mundum fuisse
scriptam.

Plures esse cœlos , plures terras , plura
inferna.

Deum habere septem tubas.

Petrum Apostolum propter hebetu-
dinem sensus Cepham , id est , Petram
fuisse vocatum.

I E S V M C H R I S T V M Tyberij judi-
cio furca fuisse suspensum , sepultum jux-
ta aqueductum , & ab inundatione aqua-
rum sublatum , à Pilato per xii. Lunas
quaesitum .

Papirij Massoni

Christianos idolatras vocant, quia
sanctos invocant.

Habent præpositos Synagogis, qui
sanguinem virginis menstruatæ discer-
nunt oculis & gustu, mundum vel im-
mundum.

Possunt ambulare duo millia pedum
in Sabbatho.

Vnde concluditur, quod si separatio
ab hæreticis schismaticis fuerit præce-
pta, tantò magis à Iudæis, à *Concione*,
à qua lux evangelica fuit omnino extin-
cta; more Apostolorum, qui in liminibus
excutiebant pulverem pedum, & diro
anathemate ipsos devovebant.

Ad Adalardum, Vvalam &c.

AD frequentes querelas de mania
turbæ Iudaïcæ Ludovicus Impe-
rator coëgit cœtum Episcoporum: ubi
caussam Christianæ Ecclesiæ egit Ago-
bardus, sed perperam &c. timore præ-
peditus. Scribit jam ad nobiles patres,
caussam inopiae mentis rejicit in timo-
rem. Deinde carptim consulit istos Epis-
copos, quid agere debeat de mancipliis
Iudæis qui ad Christianum Baptisma
amore Christi illiciuntur, utrum eos sus-
cipere an rejicere debeat.

Synopsis Operum Agobardi.

Epistole ad Nibridium.

CONNECTIT superiori querelam,
& commovet istum patrem omnēs
que Episcopos, ut unanimi consensu ser-
pentem in dies labem Iudaicæ commu-
nionis extinguant, ne eorum Ecclesia
extinguatur.

Ad Imperatorem.

QVIA iste tractatus est ἀκέφαλος,
adfigendum putavi hunc titulum,

*De impietate duelli contra Gundebadicam
legem, quæ vult ensibus non judicio
caussas dirimi.*

CVM omnes unum simus in Christo,
unitate fidei, affectus, religionis,
impium est pacem unanimem prælio di-
rimere, & in litibus, gladiis vitam impe-
tere, ubi æquitas judiciorum, testium
oculi & integritas, possunt supplere. Ad-
de quòd lex illa non est nec Mosaïca,
nec evangelica, immo à fœdissimo &
infensissimo Christi hoste inventa, ut
non testibus, aut veracium testimonio,
sed ferro & igne lites discutiantur. Ago-
bardus ergo compellat benignissimum
Imperatorem, ut ē regno tam scelestām
consuetudinem abolendam cūret.

Vide Hist.
Burgund.

Papirij Massoni

VII. Volum. De Iure Sacerdotij.

CONFABVLATVR cum Coëpis-
copo Bernardo disertè admodum,
& Patribus multa, sed plura è Scriptura.

I. Sacerdotium esse omnium qui fide
membra sunt summi sacerdotis.

II. Et quamvis illa vox latissimè pa-
teat, tamen ut est vox ministerij, propriè
pertinere ad Sacerdotes designatos, cu-
jus initium fuit in Abele, Caïno, Noë,
Abrahamo, ceterisque Leviticae Tribus
Nazaraeis, sine ullo discrimine bonorum
& malorum.

III. Quia non respicitur in sacerdote
meritum, sed vis ministerij; non perso-
na, sed dignitas personæ; non integritas,
sed officium.

IV. Ita ut bonus laicus non possit ex-
sequi quæ malus Episcopus, nempe fa-
cramenta & rem ecclesiasticam, sine per-
nicie animæ, ut Oza.

V. Quæ sunt Baptisma, & confectio
corporis & sanguinis Christi &c. quæ
cùm nec bonorum meritis, nec malorum
fraude possint nec meliorari, nec dete-
riorari, sed Spiritus virtute perficiantur,
debent ab omnibus æqualiter honora-
ri, sive à bonis, sive à malis percipient
sacerdotibus.

Quorum

Synopsis Operum Agobardi.

Quorum quatuor sunt genera. Primum, *amandum*, qui bene & vivunt & docent. Secundum, *tolerandum*, qui bene docent, & non admodum bene vivunt. & isti sunt audiendi, non imitandi. Tertium, *contemnendum*, malè viventium, & ignorantium. Quartum, *anathematizandum*, bene vel malè viventium, sed malè docentium. & illi omnino relinquendi.

De Grandine & Tonitruis.

INVALVERAT in vulgus tetra opinio & superstitione de grandine & procellis, quas magum incantamentis cieri putabant. Hoc vocabant *Auram Levatitiam*. quod multiplici infirmat ratione argumentisque, quibus circumvolvit ejusmodi tenebriones & veneficos. 1. à turpissimo hominum mendacio, qui tribuunt homini quod solius Dei est. 2. à mendacij natura intrinseca, quo illi innitebantur. 3. à testimoniis Scripturæ. Loci Scripturæ motus tempestatum Deo tribuunt, non Mosi, non Samueli, &c. non Iamni Mambrique veneficis. Ergo falsò isti attribuunt vatibus tempestatum motus. 4. ab explicatione ejusdem Scripturæ. Nam licet Deus effundat procellas, sive per angelos, sive per Mosem Eli-

Papirij Massoni

seūmque, non sequitur eos à se, sed per ministerium, concitasse. 6. ab harmonia & testimonio totius universi. Omne universum agnoscit auctorem & motorem Deum solum. Non ergo creaturas. 7. Si boni Israëlitæ potuerunt evibrasse grandines super malos, mali quoque potuerint super bonos. quod Reges Chananei nunquam effecerunt. 8. Si hoc possent mali, possent infensos quosque subitis procellis obruere. 9. à natura flagellorum, corporūmque cœlestium, quorum proprium est obtemperare non homini, sed auctori Naturæ. 10. à natura hominis, qui ignorat secreta æteris. 11. à pendula veneficorum fide, qui propterea nil exorant à Deo. Et alia multa conatur è corde populi delere figmenta, jamdiu consuetudine impressa, præsertim illud quod circumferebatur de Grimoaldo Beneventorum Duce, (qui transmissis per pulverem hominibus effecit ut boves omnes morerentur) ut genuinum Evangelij characterem insculpat.

Ad Fredegisum Abbatem.

FREDEGISVS Abbas ista contra Agobardum afferebat dogmata.

I. Christum verè fuisse humilem, & quatenus humilem, sese errabundum cognosse.

Synopsis Operum Agobardi.

II. Omnem Scripturam cum omnibus Interpretibus canonica, neque eos unquam errasse in Grammatica.

III. Sanctum Spiritum inspirasse Prophetis & Apostolis tum conceptus internos, & extrinsecus voces ipsas in ore formasse, ut asinæ Balaami.

IV. Alicubi certo loco animas esse creatas, indéque ad corpora demigrare.

V. Aliud esse Deum, aliud Veritatem.

VI. Omnes antiquos Patriarchas non fuisse Christianos; nec Christum fuisse in veteri testamento.

Responsiones Agobardi hæ sunt.

Ad I. Christum habere quidem naturam corporum nostrorum, non originem, & inde habere impeccabilitatem; ita ut licet sese humilem reddiderit, id inclinatione miserationis, non evacuatione potestatis fecerit, abolendo peccata aliena, non confitendo propria.

Ad II. Auctoritatem Scripturæ indubitabilem, ejus nempe quæ canonica est. Ex Interpretibus, LXXII: primùm, dein Hieronymum. Aliquos explendoris de Iudæis; Aquilam; Theodotion; Symmachum; Didymum. Expositores ita legantur, ut præeant Scripturæ, non cum judicandi libertate, sed cum credendi

Papirij Massoni

necessitate; Expositores verò, non cum credendi necessitate, sed cum judicandi libertate. ipsos errasse in Grammatica, non malitia, nec imperitia, sed ratione condescensionis.

Ad III. Exemplo Mosis & Aaron, quorum alter Propheta vocem habuit impeditiorem quam Aaron qui non erat Propheta: Apostolorum qui promulgant Evangelium, non in pompa eloquentiae, sed in virtute Spiritus.

Ad IV. Quartum infirmat locis Scripturæ & Philosophiæ.

Ad V. Quintum à natura Dei, quæ nil habet divisum, sed totum est id quod est.

Ad VI. Christum non fuisse manifestum, sed sub Levitica veste à Patriarchis cognitum per fidem, Scriptura, Patribus, ratione, ab unitate Ecclesiæ, ab ortu Adami, usque ad Christum.

Vnde factum est ut quamvis essent diversa sacramenta, tamen eadem fuerit sacramentorum substantia.

Et licet dicatur vetus & novum testamentum, non id propterea quod sit nuper inventum, sed manifestatum omnimodo, quod delituerat sub cortice Leviticæ nubis ab origine Legis.

Synopsis Operum Agobardi.
Ad Hilduinum Vvalam Antistitem,
de Baptismo mancipiorum
Iudaicorum.

IVDÆI, tum dolis, tum pecuniis, à Cæsare extorserant multa paci Ecclesiæ infensa; inter cetera, ut nullus Iudæorum servus absque placito Iudæi domini baptizaretur. Inde diræ procellæ inter utramq; Gentem. Agobardus rem hac epistola depingit apud nobilem auxilium, Antistitem, Cæsari gratissimum. Queritur de novitate edicti. Non permittendum his argumentis. 1. Propter insolentiam Iudæorum, qui quoslibet servos à lavacro absterrebunt. 2. Propter Dei jussum, qui vult omnes salvos, immo mancipia, quibus commune est cum omnibus naturæ & originis vinculum, & quamvis corpore mundo serviant, vult ipsos sibi obstrictos latria mentis contra omnem cogentem violentiam. 3. Quia Christus est omnia in omnibus, & per baptismum ab omni servitutis jugo liberantur. 4. Locis Scripturæ expressissimis. Tandem rogit eum, ut efficiat apud Imperatorem, aut ut edictum infringatur, aut saltem sine violentia veniendi ad fidem libertas servis concedatur.

Hilduinus
Abbas Mo-
nasterij S.
Dionysij
apud Pari-
fium, sacri-
que Palatij
Archica-
pel. Con-
rad. Abb.
Vspergens.

Papirij Maffoni

De illusione signorum.

IN GRAVES CEBAT quædam ḡ̄
ληψία, ita ut homines quasi dæmo-
niaci caderent. Immo exustio quædam
pustulacea & stigmata in corporibus ap-
parebant. Vnde fiebat ut plebs territa
eiusmodi plagis, more gentilitio in pro-
pitiationem eiusmodi ulcerum offer-
rent. Bartholomæus ejus iræ cœlitus de-
missæ causam petit. Agobardus respon-
det, hæc fieri Deo volente, & angelo
ministrante, erudiendis fidelibus, cru-
ciandisque reprobis; ut olim per vesicas
turgentes & hæmorrhoides Ægyptios
& Philistæos profligavit. multaque alia
subjicit, quæ otio lectoris relinquimus.

Ad Matfredum.

EPISTOLA hæc nil aliud depingit
quam miserias sui seculi à Iudeis
commotas, qui funditus integritatem
morum & religionis & harmoniæ publi-
cæ convulserant; & rogat, ut qui apud
Imperatorem plurimum posset, ejusmo-
di turbis mederetur.

*Ad Clerum Lugdunensem, de modo
regiminis ecclesiastici.*

EXORTÆ inter Clericos Lugdu-
næos rixæ de administranda Eccle-
sia, movent Agobardum de scribendo

Synopsis Operum Agobardi.

hoc themate. Et primùm ab unitate Ecclesiæ, tum membrorum, tum capitis, hortatur singulos ad invicem ineundam pacem. Ejus hæc sunt axiomata.

I. Vnicæ sponsæ unicum esse sponsum: qui cùm sit essentialiter veritas, pax, justitia, & omne bonum, debet propter se, non propter aliud, diligi.

II. Cujus Ecclesiæ membra non sunt illi qui vicissim dissident, sed qui mutuo conveniunt, & in amorem cultumque ipsius ædificant.

III. Vnde fit, ut ex illo mutuo amoris & vinculi nexu, Christus & Ecclesia vocentur agnus unus, sponsa una.

IV. Adde quòd ex illo interno & æterno connubio agni & agnæ generentur agni & oves, qui efficiunt unicum, inseparabilem, & æterno indissolubilem vinculo agnū, id est, Ecclesiam.

V. Ex illa generatione fit, ut quæ sponsa Christi vocabatur, Christi vocetur filia; quia quos simul & semel ab æterno pro sponsa duxit, eosdem singulatim & in tempore per Verbum generat. Vocatur frater propter commune naturæ & carnis confortiū cum homine.

Vinea, propter multitudinem filiorum. Hortus, propter varietatem & ve-

Papirij Massoni

nustatem. Fons, propter exuberantem
undiq; lympharum cœlestium copiam.
Fons signatus, propter admiranda &
occulta mysteria. Regina, propter im-
perium in Synagogam, dæmones, se-
Etásque universas. Ancilla, propter obe-
dientiam. Mater, propter generatio-
nem filiorum. Quæ diversitas nominum,
nihil divisum, sed unum sponsum spon-
sámque unam efficit.

Ista unitas affectus debet avocare ab
omni dissidio Clerum, ut statu muneri
navet. quod est esse adjutor Dei, non
Antichristi.

Eorum qui dissolvunt unitatem, mul-
tiplices sunt. Corrupti, qui aperto scan-
dalo unitatem Ecclesiæ conturbant.
Hypocritæ, simulata justitia. Adulteri,
apertè & simulatè veritatem corrum-
pendo. Ambitiosi, honoris caufsa. Mer-
cenarij, lucelli dulcedine. Φιλαύτοι, cor-
da non in sponsi, sed in sui amorem lau-
démque alliciendo, unitatem Ecclesiæ
abscindunt. At verus pastor, veræque
pacis custos, abjicit à ministerio ejusmo-
di portenta, invigilat gregi, sine ignavia,
sine imperio, sine simulatione, sine scan-
dalo, pascitque eum secundùm omnes
formulas sibi à Cæsare cœlesti præscri-

Synopsis Operum Agobardi.

ptas. Ut sint tales, hortatur omnes Pastores, Presbyteros, Abbates, si velint esse membra unici capituli, & administrare Ecclesiam secundum mandata divina.

De Imaginibus.

ASSEMBLY DE Calogi secundo mandato, tractat hic ex professo Agobardus de cultu imaginum. Stupenda suo seculo imaginum erat superstitione, & circa cultum simulachrorum horrenda dissidia. Prima Nicæa præscripsit adorandas, secunda confirmat. Oriuntur rixæ toto Oriente, quæ sese diffundunt in Galliam. Congregatur Francofurti; ubi Nicæa apertis sententiis damnatur.

I. Vnus Deus adorandus sine imagine &c.

II. Nullum exemplum alicubi totis testamentis patribusque adorandæ imaginis.

III. Esse debere ornamento, delectandi oculis, non instruendis populis, &c.

Illa ætate scribit Claudio Taurinensis de adoratione imaginum. Contra ipsum Ionas Aurelianensis. Plerique concurrunt in eadem materia agitanda. Reges ipsi. Agobardus apertissime; cuius haec præcipua sunt capita è D. Augustino ceterisque Patribus.

Papirij Massoni

I. Nulla est alia Dei imago, quām hoc quod est ipse, & secundūm quod est ipse, non potest pingi, ideo neque adorari in imagine, nisi in illa quam ipse nobis præscripsit, nempe Christo.

II. Duplii quidem adoratione, extērta & interna. Vtraque vocatur religio; qua internē & extērñ obstringimur æternūm & soli Deo; ad quam pertinent δύλεια, λατερεία, ceterique cultus, quatenus sunt nomina religionis.

Vbi verō sunt nomina officij & servitutis humanæ, δύλεια potest dici de servis & subditis; ἐυσέβεια, de omnibus. Honor de sanctis & martyribus. Pietas de parentibus. At sola religio de Deo, quia soli omnino Deo debetur.

IV. Vnde patet, neque angelos, neque sanctos ullo religionis adorandos cultu, præter æternam Dei imaginem, quæ se medium inter homines Deumque constituit.

V. Angelos. 1. quia beati sunt beatitudine aliena. 2. quia nolunt offerri sibi ejusmodi cultus. 3. quia per hoc à dæmonibus discernuntur.

VI. Sanctos; quia non sunt sancti nisi sanctitate Spiritus, lumina nisi à summo lumine, dij nisi à Deo; aguntque mira-

Synopsis Operum Agobardi.

bilia , non ut caussæ , sed ut media & instrumenta. ideoque relictis illis , longius ad lumen æternum devolandum.

VII. Quorum nihilominus memorias , vestigia , si qua sunt , sive in scriptis , sive in corpore , immo eorum sepulchra propter resurrectionem , vitam , imitationem honoramus. Non tamen ipsis templo aut altaria construimus , sed soli Deo.

VIII. Adorationis enim hæc lex est , ut nulla creatura , nullum phantasma à mente de Deo effectum , nullum opus humanum , nec sol exoriens , nec occidens , nec nubes , nec ignis , nec arbores , nec opera hominum , ut sunt imagines. Nam si opera Dei non sunt adoranda , quanto minus hominum , id est , imagines Dei , angelorum , sanctorum .

IX. Neque objicias , non te imaginem , sed rem imagine effectam. Nam objectum terminat adorationem. Adde quod fraus est Sathanæ , qui specie honoris sanctorum , ad idola mentem traducit , & à vero æterno ad carnalia nos demergit.

X. Picturæ aspectandæ , ceu res inanimatæ , oculo externo. Deus internè adorandus. Illæ , caussa historiæ , & me-

Papirij Massoni

moriæ, non religionis. Deus latriæ, dou-
liæ, & sempiternæ religionis. Illæ sine
cura, sine honore, quia nec malè nec
bene possunt facere. Deus cum spe, cum
amore, cum honore, & gaudio sine fine.

XI. Adde quòd ut abjiciatur omnis
superstitione, nulla imago in parietibus
Ecclesiæ depingenda, nullum simula-
chrum erigendum; nec illæ imagines vo-
candæ sanctæ, quia nil est sanctum nisi
Dei templum. 1. Cor. ut adoretur unus
& verus Deus in secula seculorū. Amen.

De dispensatione totius rei ecclesiastice.

*Præfixus à nobis est hic titulus, ex
mente auctoris.*

CONVOCARE RAT Ludovicus Im-
perator cœtum amplissimum Pon-
tificiæ & Laïcæ, de reformanda Eccle-
sia. Inter ceteros præluxere ceu faces lu-
cidissimæ, Adalardus & Elizaccharus;
ille integritate vitæ, & fulgore muneris;
hic doctrinæ lumine. Vnanimi anima re-
parandum Ecclesiæ decus conclamant
omnes. Agobardus excipit eorum ala-
cres vultus. orat, & pro Ecclesia agit,
convertit singulorum animos ad laban-
tem penè Ecclesiæ gloriam. edificant,
erigant, macerias jam subruentis Ierofo-
lymę. Inde insilit in laïcę fraudis sacrile-

Synopsis Operum Agobardi.

gium, qui de peculatu ecclesiastico con-
vivunt, & rem Dei, rem sacrilegi effi-
ciunt. Probat à primis nascentis Eccle-
się exordiis, incrementis, accrementis,
quibus cœpit ditari, duce spiritu, statu-
tos canones, qui direptionem rei eccle-
siasticę vetarent, nullique citra cons-
cientię perniciem concederent ab illis
canonibus discedere. Rogat Cęsarem ut
medeatur, cœtum ut deprecetur contra
sacrilegos Gallos. Excipitur ab Helizac-
charo & Adalardo senibus alacriter ora-
tio Agobardi. Monent de hac re Impe-
ratorem: qui convocato Concilio Poli-
ticę & Leviticę Familię, mutuas extin-
xit discordias, quę de possidenda re ec-
clesiastica laicos & Episcopos conturba-
verant. Quia verò quidam erant detra-
ctores, qui passim de audacia & ignoran-
tia Agobardi rumores circumferebant,
ejusque dissidiij auctorem ipsum promul-
gabant, Agobardus ejusmodi labem di-
luit; rei veritate effigiem expressit apud
quendam amicum, qui eum de hac re
interpellarat. Et inde re nata captat lo-
cum scribendi de rebus ecclesiasticis eo-
rumque ministerio, sumptis ex utroque
testamento testimoniis. Ejus summa ca-
pita hęc sunt. *De Sacerdotibus. De De-*

Papirij Massoni

cimis perſolvendis. De pœria sacrilegij
De honore omni ævo Episcopis impen-
ſo. De non alienandis Ecclesiis. & perpe-
tuas inserit calumnias contra Simonia-
nos. Hæc omnia , quia nituntur locis,
non rationibus , lectori do.

Liber de divinis sententiis digestus.

De divinis sententiis contra eos qui putant
Iudicium Dei aqua vel igne vel
armis patefieri.

Institut.
Iuris Ca-
non. I. 4.
tit. 2.
In Histor.
Burgund.

TITVLVS hujusce voluminis non
mihi videtur satis congruus. Quia
hic est sensus. Duplices modi purganda
fraudis occultæ & sceleris , Ferri & Ig-
nis. Primus erat Gundebadi, qui contro-
versias , ubi non erant testes, ferro & ar-
mis dirimendas præcepit. Secundus, in-
veteratæ confuetudinis. Vbi defiebant
testes , vulgaris purgatio , nempe aquæ
frigidæ, vel candardis ferri, adhibebatur.
Agobardus tanquam nefandas impug-
nat, ostendens res occultas nunquam
patefieri ejusmodi certaminibus. Hortat-
tur ad pacem , & totam ferè Ethicam
Christianam complectitur.

Sermo Agobardi.

HÆC Concio est lepidissima, varia,
& divinis figuris circumlucida.
Habet pro materia Christum. Sed ab illo

Synopsis Operum Agobardi.

capite in varias sese diffundit & exspatia-
tur arenas : De Ecclesia , de ejus meritis,
de Antichristo. Quæ quia sunt paulò
āmēdōtīcā , relinquo.

De Divisione Imperij.

IMPERII pacis sedulus, memórque
ancipitis vitæ exitus , convocato to-
tiū Galliæ conventu Ludovicus Impe-
rator in tria regna discerpsit Imperium,
summámque Lothario contulit ; adhibi-
tis omnium juramentis , ut moris est, fi-
delitatis & obedientiæ. Desciscit Lo-
tharius , patrem invadit. Favent Eccle-
siastici huic Imperatori , cuius obsequiis
juramento sollenni fuerant constricti.
Quibus cùm pater vellet pœnas inflige-
re , Agobardus audacter respondet, eum
fuisse illius tumultus & dissidij publici
caussam , eò quòd divisisset Imperium;
& quod est audacius , profitetur apertè
se obsequuturum Lothario , propter
vinculum juramenti &c.

De comparatione utriusque regiminis.

DVÆ h̄c continentur epistolæ ejus-
dem argumenti. Prima ad Cæsa-
rem Ludovicum , qua noster Episcopus
obtendit caussas fugæ & moræ. Propter
publicos tumultus. Inde insilit in fasti-
gium splendoris imperialis, quod probat

Papirij Massoni

subesse Pontificiæ majestati , tum ex au-
toritate Canonum , tum quibusdam La-
tinorum Patrum testimoniis . & ideo
monet , ut venientem in Galliam Gre-
gorium Pontificem , mediatorem pacis
domesticæ , benignè excipiat , eique hu-
millimè sese subjiciat .

Secundæ sensus est ejusmodi . Defectio
Lotharij ab ripuerat omnem penè Ita-
liam , Pontificem , multosque etiam Epis-
copos Gallos , quorum ope patri eripe-
ret Imperium . Veri Galli recalcitrant ,
citant Agobardum . recusat . Habent
conventum ; cuius hæc fuerunt capita
adversum ipsius contumaciam , pro con-
firmanda Gallicana Libertate .

1. Episcopum Romanum , vocandum
Papam , Fratrem , non autem Patrem ,
neque Pontificem .

2. Imperiale majestatem plus posse
in administranda Ecclesia , quam Pon-
tificiam .

3. Cæsarem non de honestandum pre-
sumptuosa excommunicatione .

4. Posse unum aliquem Pontificem
abjici sine injuria Sedis Apostolicæ .

5. Episcopos in causa fidei jusjuran-
dum præstare solitos Imperatori .

6. Agobardum Primate Aquitaniæ
nullam

Synopsis Operum Agobardi.

nullam deinceps habiturum potestatem
in excommunicando , nullamque juris-
dictionem in ceteras parochias , si obe-
diret potius Pontifici , quam Cesar.

7. Privandum Episcopum consortio
& honore , qui potius Pontifici quam
Ecclesie Gallicane Concilio obedierit.

Agobardus ex professo respondet singulis. Confringit quantum potest ista
privilegia , propter commune factionis
cum Pontifice & Lothario consortium.
Nititur probare Cæsarem & Ecclesiastis
Gallicas pendere à Cathedra. Deinde
conjicit omnes turbas & æstus fla-
grantes Imperij , tum in inertiam Lu-
dovici , tum in occultas fraudes Regi-
narum quibus ipse nupserat. Audaci-
simè favet consilio Lotharij , quo er-
ga novercas usus fuerat. Tandem con-
citat ejus animum ad pœnitentiam &
humilitatem ; ut deinceps resipiscendo
res Imperij sit securior.

Publica Ludovici Imperatoris pœnitentia:

REbus pacatis , publico conventu
compellitur Ludovicus Impera-
tor , propter vitæ anteactæ luxuriam ,
inertiam , ignaviam , ad publicam pœ-
nitentiam . Agnoscit , orat veniam , ad
altare prosternitur ; tuncque quatérque

¶

Papirij Massoni

que confessus, fluens lachrymis, depositis armis, sceptroque, suscepit poenitentiam per manuum episcopalium impositionem &c.

De Veteri ritu cantandi Psalmos in Ecclesia, & de Correctione Antiphonarij.

Hæc duo capita non erant disjungenda, sed in unum componenda, quia eandem prorsus materiam tractant.

ER V P I T Lugduni Sectarius quidam, qui miras in ritus ecclesiasticos calumnias invexit, nævis aspersit, & hæc sunt.

1. Ecclesiam Lugdunensem à germano cantandi ritu deviassè.
2. Antiquos patres in carmine solitos modulari.
3. Nullam esse rationem cur nocturnæ fiant vigiliæ.
4. Multa esse alia cantica quæ non habentur Scripturis.

Quibus quoque in suo Antiphonario & Responsorio hasce adjecit blasphemias & portenta.

5. Christum de cœlo advexisse humanam naturam.
6. Duas naturas commisceri in unam.
7. Homines suscepisse Christum,

Synopsis Operum Agobardi.

quem antea naturali motu cognove-
rant & desiderarant.

8. Christum per aurem Virginis in
locum partus subrepisse.

Agobardus singula confutat.

Ad 1. Ecclesiam Lugdunensem fir-
miter inhæsisse Statutis Leviticæ &
Apostolicæ Legis, ideoque non posse
oberrare.

Ad 2. Ecclesiam veterem magnope-
re respuisse modum canendi poëticum.

Ad 3. Diurnas & nocturnas vigilias
in choro Levitico à Davide constitutas.

Ad 4. Scripturam adeo perfectam,
ut nil illi adjiciendum, neque detrahen-
dum, sed in eis quæcunque reperiuntur
canenda, reliqua verò non.

Ceteraque ejusmodi portenta facili
via discerpit, restituto omnimodo &
Antiphonario & Responforio in pristi-
nam lucem.

E T H Æ C sunt capita doctrinæ
Agoberticæ, clara sānè, abstrusa, &
omni venustate fulgida. Quibus frua-
tur lector.

